مصطفى بسيونى

على عليوه

أشعار بالعامية المصرية

الطبعة الأولى يونيه 2018



بطاقة الكتاب

عنوان المؤلّف: على عليوه

المؤلّف : مصطفى بسيوني

التصنيف : أشعار بالعامية المصرية

رقم الإيداع : 11243-2018

الترقيم الدولى: 9-23-6656-977-978

عدد الصفحات: 102صفحة

رقم الإصدار الداخلي: 209

تاريخ الإصدار الداخلي: يونيو 2018 (الطبعة الأولى)

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر





إهداء

إلي أبي وأمي رحمة الله عليهما الي زوجتي وأولادي الله إلى أبي وأولادي المنقولة والشباب الي أصدقاء ورفاق الطفولة والشباب الي كل الأهل والأحباب الي كل من رافقني في رحلة حياتي بكل مافيها من صعاب هذه كلماتي وخواطري الشعرية أهديها لكم بكل الحب متمنياً من الله عز وجل أن تنال إعجابكم وتكون عند حسن ظنكم

مصطفي بسيوني

على سبيل التقديم

عندما تقرأون خواطري الشعرية تطالعكم باقات من خلجات النفس والروح والذاكرة ، ونبض الوجدان أنثره في قلوبكم بكل ما تحمله تجربتي الإبداعية من بكارة ، وعفوية وانطلاق ، فهذه النقوش هي ثورة النفس التواقة للحب والتطلع والبسمة والحنين لكل جماليات الأشياء ، وهي انتفاضة أيضا تتطلع إلى روح تشرق عليها شمس الحب والسلام والتفاؤل كي لا تبقى أسيرة الأوهام والحزن فاصطنعت لنفسي منهجا أسعي من خلاله إلى تحقيق همسات وعبرات ونظرة للحياة ..

لهذا قررت أن لا يرى كتابي نفسه من خلال المرايا بل أن يقف أمام محبيه وعشاقه كما هو بجلباب، نسجته أناملي، كي أعزف أغنية الحب والشوق والحنين والولاء للروح والنبع الصافي

بهذا تكون خواطري قد قدمت لكم كلوحة مرسومة بالأحاسيس والمشاعر على جدار الزمن – بريشة فنان حاول مجتهداً بكل ما أوتي من أدوات أن يحل في الزمان والمكان وجدانا يتفاعل مع الروح على قدر ما يسكن القلب من مشاعر وأحاسيس قرائي وأعتذر لكم عن بساطة كلماتي التي لاترقي أن تكون مجرد كلمات تكون لبنة لأنتاج فني أرقى في المرة القادمة إن شاء الله.

مصطفى بسيونى



كلام الليل

بتفكريني بالصبا
وبالنسيم ساعة الصفا
احلي معاني الهوي جوانا بتتوجد
كان الكلام مليان دفا
كان الغرام ساعتها بيتولد
شق القمر سحابه وبان لنا
جوه قلوبنا شراع الحب بيتفرد
فاكره البداية كانت في المسا

فاكره الميعاد. فاكره الليالي والآهات فاكره الشوارع والأغنيات قلوبنا اللي كانت مزارع أمنيات عذابنا اللي راجع بعد مامات

يصحي فينا الأسى بعد ما الوقت فات فاكره النهاية كانت برضه في المسا وكأن حبنا مكتوب عليه.. يضيع ويتنسي زى كلام الليل

إحلم ياولدي

احلم عشان الحلم دلوقتي ببلاش وبكرة يعلم به ربك وأنت ماتدراش والعين يا ولدى مهما كان ع الحاجب ما تعلاش وفیه ناس دلوقتی تسوی کتیر وبعد شوية ماتسواش ولسه فيه قلوب بتحب وقلوب تانية ماطيلاش احلم یا ولدی کمان وکمان وعيش في بكرة وليالي زمان وسيبك من الهم والأحزان اصل النهار ده ماله أمان الميه تبقي في ايدك وتبات عطشان والكل يقولك تحت أمرك لجل فلان وفلان وفلان وفلان وفلان احلم بدنيا تانية مافيهاش حرمان وأوعي في يوم يا ولدي تبات زعلان احلم عشان الحلم بيريح في وقت الضيقة والبسمة في وجه الخلق بطفي حريقه والكلمة لابد يوم هتعود طليقة احلم يا ولدي وعيش دنيتك .. دقيقة بدقيقة وادعي معايا لشجر الحب يطرح والحلم يبقى حقيقة

من غير نقط

حلمنا كان أخضر طرى..

وإحنا لسه صغيرين

أما الليل كان على طول ينجلى.

ويسبنا مغمضين .. زى القطط..

يجي النهار بعنيه الواسعين.. يضمنا

نجري ونلعب وادينا..

ف أدين بعض متشبكين

قلوبنا بالحب واللعب فرحانة

مع إن حروفنا الحلوين

من غير نقطي

عدي نهار . وبعده كام نهار ..

رحنا المدرسة وفتنا الدار

ضرب الجرس.

وقفنا طابور. حينا العلم

حسيت ساعتها إننا بقينا كبار. في المدرسة. أتعلمنا حاجات كتيرة كويسه عرفنا ان في جنة وفي نار.. في مؤمنين وفي كفار. واتعلمنا كمان. منعملش الغلط....

سكـــوت

كبرنا صغرنا.. علينا وطينا.. بندورع القوت كلامنا سكوتنا.. صراخنا فرحنا علاه التراب.. علاه التراب.. سؤالنا يا صاحبي من غير جواب علي أيه تاعبين روحنا .. جينا ولا روحنا آخرتها أيه.. هنم وت. وأحلي حاجة في الدنيا السكوت لما السكوت يكون له معني لما النهار شمسه تلسعنا

أحلى حاجة في الدنيا السكوت

نقدر نقول الآه ونتألم ع اللى شايفينه وساكتي

لما العويل يخلي القلب يوجعنا

ساعتها يمكن نفوق ونتكلم

ع اللي حاسينه وعاملين روحنا نايمين لما القطر يقول تــوت. وعلينا يفوت. وعلينا زي غيرنا من اللي غاوين سكوت. كلمة وبقولها حكمة يا عم يا للي غاوي السكوت فوق بقي واتكلم فقوق بقي واتكلم هنفوت طول ما أنت ساكت ومبلم عجبي..

بعثنقك

بعشقك أنا بعشقك

وف كل حرف من حروفي بانطقك

يا دم بيسري في عروقي بأعلى صوتي باندهك

يا سنين حنيني وشوقي أنا عاوز اسالك

عن ليالى العمر عن سنين الصبر ونفسى أصدقك

خایف من کلام الناس

يموت الإحساس ومنى أضيعك

ليه بابك عليه حراس

مع إني شايلك فوق الجبين و الراس

وف كل حته فيه بارسمك

بارسمك منظر جميل

فيه النخيل بيتمايل

وفيه النيل في ميته الخير شايل

وفيه الليل أبو المواويل والمكن داير

وكل يوم بستني الفجر يطلع مايطلعش انده على بكره مايسمعش لكن مش هستني كدى كتير ماينفعش لازم أزيح تلال الهم من على كتافى وارفع شراع حبك الصافى واقدف في بحر هواك بمجدافي وانتى لازم تضميني تاخديني في حضك الدافي لأنى أنا على كل الأحوال بعشقك وف كل حرف من حروفى بنطقك وانتى الكبيرة ومهما دار بينا الزمن مش ممكن حد يقدر يقهرك

بعشقك يالى إسمك فعل ماضى

أنا كنت بعشقك وبقيت فعل ماضي مع إن صورتك بتشاغلني ودايما قصادي ليه بتفرض علي نفسك مع انك سراب ليه بتحفر في كل حته اسمي واسمك وتزيد العذاب صحيح في يوم أنا حبيتك لكن دا كان زمان لما كنت ليا كل حاجة وأنا كنت ليك بر الأمان أنا كنت بعشقك وبقيت فعل ماضي دلوقتي قلبي إلى كان مليان بحبك وعمره في يوم ماجه وصدك بقي فيه حاجات كتير

فيه الزهور فيه الحنان فيه العبير فيه الرهور فيه الحنان فيه العبير فيه إلى ماقدرتش تدهولي ورضيت بغيري يكون معاك يقطف جناين زرعي في هواك أنا كنت بعشقك وبقيت فعل ماضي فعل اصبح من غير كيان جرح علم ومالوش دوا إلا النسيان

سلامــات

سلامات یا واحشنی سلامات كلمة ويسمعها سلامات وصداها داوشني سلامات والكون ما يسعها سلامات وأنا خوفى حايشنى سلامات ليه بس امنعها سلامات الواد اهو مات سلامات فى حضن أبوه سلامات والليل مستني سلامات حالف مايفوتني سلامات إلا أما يقولي سلامات سلامات ياواحشني سلامات

كتر الآهات سلامات سدت ودانا سلامات عميت عنينا سلامات مع ان ادینا سلامات لساها عفية سلامات اصرخ یا ولدی سلامات صرخة مدوية سلامات تصبح أغنية سلامات وشويه شويه سلامات نشوف ونسمع سلامات حكاية أفظع سلامات من اللي فاتت سلامات قلبى بيتقطع سلامات والعالم ساكت سلامات خنزير بيبرطع سلامات

والعالم ساكت سلامات في ودانه حاطت سلامات حاطت سماعة سلامات سماعة بتقول سلامات سلامات ياواحشني سلامات دهسوا أحلامنا سلامات سرقوا أيامنا سلامات والزرع الأخضر سلامات بيموت قدامنا سلامات من فيهم اشطر سلامات لدمانا يبعتر سلامات لعضامنا يكسر سلامات والعالم ساكت سلامات نفوسنا هانت سلامات هانت علينا سلامات

فينك يا صلاح سلامات يا صلاح الدين سلامات وفين حطين سلامات من ناس حاطین سلامات حاطين اديهم سلامات فى ماية باردة سلامات فين الكرامة سلامات والنارالقايدة سلامات فين الرجالة سلامات يا خسارة دى كلمة سلامات راحت علينا سلامات لمينا بعضينا سلامات وقعدنا نزعق سلامات فى الميكروفونات سلامات سلامات ياواحشني سلامات

صاحبي

نفسى أصاحب صاحب .. ألاقيه ويلاقيني في وقت الشدة ماتغلاش عليه عيني كل ما احتاج له أناديه ألاقيه أقرب لى من نفسى أفضفضله يفضفضلى .. وأحكى له سبب بؤسى يشيل همى أشيل همه ساعة ما يميل أروح ضمه ضمه تداوي الجرح وتعافى مهما يطول الشرح مش كافي نفسى أصاحب صاحب. يكون صاحبي بصحيح يقف جنبي ويسندني .. أنا وهو نصد الريح كلامه يريحني وينصحني يكون معايا صحيح وصريح معقول في يوم ألاقيه ولا أنا بحلم قولولي منين أشتريه لو كان بيتباع والله ما يغلي عليه الأهل والأتباع.

يدوم أنسك

حبيبي الغالي يحلا لي ديماً أجيب سيرتك وأقول أمتي يا روح قلبي يدوم أنسك وأعيش وأنسي هموم عمري ساعة ما أشوف جمال صورتك أرحم بقي وتعالالي قلبي خلاص سامحك أنا وحداني وطول البعد خلاني صريع هجرك.

حرام يا حبيبي تأسي وتنسي سنين حبك..

حبيبي الغالي يحلا لي ديماً أجيب سيرتك وأقول أمتي يا روح قلبي يدوم أنسك

<u>الليل وآخسره</u>

الليل لابد له من آخر ..

زي النهار لما تحمر عنيه ويدوب في الغروب

مهما كبرنا وبأصولنا بتفاخر...

هيجي يوم ونطاطي لوجع القلوب

إذا كنت فاكر انك يا مسكين شاطر ...

انسي واعرف انه كله مسطر ومكتوب

مكتوب علينا نعيش الحياة زي المسافر..

مسيره يرجع لأوله ويمشى في نفس الدروب

يحاول يفتكر ويحس بنفس المشاعر ..

مشاعره اللي الدنيا غربتها.. فاضل ريحتها يادوب

عشان كده راجع لأوله راجع مهما بعد واتاخر يفتش ويسأل .. علي قلبه وسط القلوب يمكن يلاقي اللي يدله وينور له سكة الآخرر.

هنا الحبيب

هنا الجمال.. هنا الخيال طيف المحال.. ليل أطال في عشقي ليكي.. يا أغلي عندي من واد ومال.

يا توبي الأبيض يا قلب اخضر من غير غبار

وجودي بيكي يا نسمة صافية

هزت ستار..

باين وراه قلبي اللي مال جايلك و فاكر عمري اللي فات ما يحوشني عنك .. مليون جدار

هذا الشوارع.. هذا المزارع وقمرنا طالع فوقك يا مدنه فارش بنوره سكة ولادنا فرمهما قلنا ومهما عدنا أنت اللي باقية لعطشنا ساقية حبك مزرع جوه قلوبنا نورك مشعشع ساكن دروبنا وأنا بادعي ربي يصونك يا غالية يهلك عداك .. ينور سماك.. يسدد خطاك يهلك عداك .. ينور سماك.. يسدد خطاك

لخبطة

حرف وكلمة فرح ونشوة شعر وحكمة رعش ورجفة لحن وغنوة نحل ولسعة بحر ونوة حرب وقوة صرح وقمة حرص وضمة شرق وغرب قرش وصعب

قشر ولب رشق وضرب حزن وكرب نزح وصب برد ونار درب ودار قط وفار طق وطار شك وغيره كش وحيرة رجم وزجر جرم وشر شر وخير رش وطير مخ وراس

خم الناس فشر وكدب رشف وشرب خبط ورزع طبخ وزرع مس وسحر سم ومر شم العود مش بدود من وسلوی نم وبلوی کلام کبیر ملاك أمير سلم سلام ملس وقام

شد الحزام دش الكلام دس الرغيف سد الرصيف شق الجيوب قش الكروب تعب القلوب بعت الحبوب سلف ودين فلس وطين حرم علينا مرح وزينه مراح خلاص حرام یا ناس بعاد وصد

داعب ومد مد الخطاوي دم وغناوي ذم وحكاوي مذ ورغاوي رم الكسور مر الدهور وهب العطور بهو القصور بهر العيون رهب الجنون دك الحصون كد الظنون

درج السلالم جرد المعالم فرش الأرض شرف العرض ركب الحصان بكر وحنان حلم الزمان ملح وغيطان

نجوم الليل

نجوم الليل يا مستخبية ورا السحاب والغيوم امتي أشوفك ملالية وأعشلي يوم سنين العمريا مطوية علي عود كبريت كأني مولود الصبحية لارحت ولا جيت هموم القلب يا مغطية علي أ فراح كل البيوت أرجوك ابعدي ولو شوية قبل ما يجري العمر ويجي الموت

ارفع راسك

ارفع راسك فوق تلاقي الأحزان مطاطية الأحزان مطاطية اركب حصان الشوق واعمل من كلمة حب معدية والبس لنجاتك طوق لبلاد مافيهاش حقد وأنانية خليك حنيين خليك مسامح أزرع أمل تحصد حياه أنفض غبار همك للفرح صالح ما تخفش يوم من صاحب الجاه

ليه نعند ليه نتجافى يا نفوس قاسية ما بتحسش ليه نجري ورا نزواتنا ونتخافي دا اللي يطاوع ربه يسعد ما يضلش

سمع هس

اشتكي وأصرخ وزعق مين هيسمع شكوتك عيشة مرار تزهق يارب بطلب رحمتك الغلا عمال يزيد والغلابة المطحونين بيحدفوهم زى الكور من إيد لأيد إيد تطبطب إيد بتضرب وإيد عايزه قطعها إيد بتطلب إيد بتنهب وإيد بتكتب شكوه لربها ناس الزمان ده متصنفین

ناس بتعبد ربها وناس بتعشق أرضها ناس متكتفين وناس مش لاقيه حد يلمها سايقه فيها ولا يوم حد همها وناس متشوقينن ليوم يطلع فيه النهار.. ويضمها يمسح غبار إمبارح ينفض هموم الياس يرفع شعار الناجيح ويكون شديد البأس يا خلق هووه.. فوقوا بقى كفياكم غناا ورقص يا مؤمنين وحدوه.. فين التقى يا ناس.. بطلوا بقى هجـص

يا موحدين أتوحدوا أيد في أيد طوبة جنب طوبة نرصها رص يعلل البنا .. وعمره ما يبقي هش ساعتها نقول وبأعلى حس كله سمع هس

<u>بـــص</u>

بص ياعم ياعم بص شايف الناس الغفلانة ضاعت وسرقها لص خايف لتطول الشغلانة ونهرب بحقنة أو بقرص نفتكره دوا لقلوبنا العطشانة دي حكاية ولازمها وقفة وبلاش حلول النص نص

نسيم الليل

نسيم الليل يا معدي تعالي عندنا وهدي خد مننا وادي سلم علي كل الحبايب قلهم روحي عينيه قلبي مشتاق لهم سلم علي الشجر سلم علي القمر سلم علي الحواري علي الشوارع سلم عليهم كلهم سلم على السنين اللي فاتت سلم على أحلامنا المتحققه واللي ماتت سلم على الطفولة على الشباب علي المدرسة علي الكتاب

علي الفرح .. علي العذاب سلم علي بيوتنا القديمة سلم علي الصحاب.. وختاماً لهم مني كلهم شوق ومحبه وحنين قد اللي فـــات .. واللي جــاي

غصب عنى

انت اللي هـ تحكم مش أنا من غير مـ تظلم حبنا قصتنا بدأت من هنا عنينا بتقول الكلام قلوبنا مدوبها الغرام ادينا بتتلاقي وسط الزحام وفى ليلة كان القمر عندنا فارش بنوره الجميل عشنا قصتنا بدأت من هنا كان غصب عني يا حبيبي .. مش بخاطري أقول على بينا .. وأخط سطرى كان لازم الدنيا تعرف.

إنى بحبك .. وأفديك بعمرى انت اللي هـ تحكم مش أنا من غير ما تظلم حبنا واتمنى الكون ده كله.. يتعلم الحب مننا وبيتنا الصغير يسعنا كلنا ويضمنا عشان نحس بالدفا.. وننسى سنين الهجر والجفا ويسود الود بينا.. ويعود الصفا لازم نكون كبار.. ونخلي حياتنا تبقي جنة .. مش دمار نتعلم من اللي سبقونا

إن الحياة.. مش لعب وهزار وأنت اللي ه تحكم يا زمن.. مين فينا راح يدفع الثمن.. ويقول الحقيقة .. ومايخافش وعلي حياتنا وقوت ولادنا يؤتمن

البعد جفا

البعد جفا ساكن مابين الناس والقرب صفا ود وحنين وحماس البعد ليل انطفا ساكت بلا إحساس والقرب حب ودفا شمس وقمر وناس البعد ظلم وما إكتفا إنه رجيم وسواس والقرب صحه وشفا فرح وغنا أعراس البعد مر وكفا سالب عقول من راس والقرب كنز كبير واقفين عليه حراس البعد هم وويل كاتم كتير أنفاس والقرب حلم جميل بيتمناه كل الناس

حبيب الروح

حبيب الروح هل مسموح بسري أبوح وأقول عاشقك منين ماتروح بكل وضوح أنا شايفك بصوت مسموع مافيهش رجوع أنت كل ما ليه .. أيه الموضوع ورود وشموع شايفها بعنيه.. فهل مشروع المسها بأديه ويتحقق حلم لياليه

تیجی نطم

الحياه مستمرة.. جوه ولا بره راكب ولا ماشي. أو هيفوت علينا بكره احتياطي أو اساسي ولا قاعد تحت شجرة هايف ولا خايف. أو شايف نفسه واد عتره تيجي نحلم مانقولش آي تيجي نهرب من اللي جاي. ولو لفتره تيجي نروي عطش الليالي ولوبقطرة

سنين الفرح

غابت سنين الفرح عننا جرح الحبيب من ظلمه قلبنا حتي الصديق نسي الليالي وحلمنا تاهت معالم طريق ياما اشتاق لنا صرخ الفراق بأعلي صوته وقال هنا.. اللعبة انتهت . والعمر ولي. والموت مستني وعيونه طله هل ياتري عامل حسابك لليوم ده ولا سايبها تمشي ورامي حمولك على الله

سيد الناس

خلصو الإفاضل.

وأنت اللي فاضل يابا

أوعاك تسيبنا وتفارق.

دي الدنيا من غيرك. وحوش وديابا

خليك صلب وقوي. زي ماحنا عارفينك

واياك في يوم تنطوي.

وتندب الحظ وسنينك

سيب ولادنا من حبك ترتوي.

وعلي روسهم يفضلوا شايلينك

أنت العمود والسند طول عمرك.

وكلمتك مسموعة

وراية الكرامه



في اديك مرفوعة وفي الشهامة والشرف انت موسوعة قلبك أبيض.

مع ان صورتك فيها شده ومهابة صوتك في الحق عالي.

وكلك حنية وطيابه واحنا من غيرك.

تايهين في دنيا قلابة

خلصو الافاضل .

وانت لسه بتناضل

یاعزنا یا مجدنا.

ياسيد الناس يابا

على عليوة

زمن المعجزات ولي فات وإحنا قاعدين نستني السما تمطر دهب ما فیش حد فینا قال خد.. معظمنا بيقول هات والباقى الدم منه هرب لما شاف الغول. لابس سبع عبايات قلعهم واحدة ورا الثانية رماهم وسط اللهب ووقف يستعرض العضلات ويقول إيه يعني هجيب غيرهم من دم العرب يا فرحتي على العرب

كل شويه مقابلات سلامات ازيك عامل إيه مادريتش مش سوق البامية انضرب

وعلي عليوة.. يالي ماسك الزميرة .. يالي خايف يضربها .. يالي ليخض الغول .. يالي والليلة تطول .. يالي رماها من ايده .. يالي خطفها عيل .. يالي كان جسمه قليل .. يالي من خرم يفوت .. يالي وقال التوت .. يالي وقع النبوت .. يالي

من ايد الغول .. يالي إتلموا الناس .. يالي ضربوا الحراس .. يالي فتحوا الأبواب .. يالي خطوا الأعتاب .. يالي طردوا الأغراب .. يالي هدوا المتاريس .. يالي فكوا المحابيس .. يالى قادوا الفوانيس .. يالى وقالوا الليلة .. يالى حداثا عريس .. يالي وقعدوا يغنوا .. يالي يا ناس استنوا .. يالى راح فين العيل .. يالي أبو جسم قليل .. يالي

راح في الرجلين .. يالي وسط الواقعين .. يالي من كتر الزحمة .. يالي الدنيا عتمة .. يالي المطرة نزلت .. يالي الأرض اخضرت .. يالي طرحت مواويل .. يالي تحكي وتقول .. يالي عليوة .. يالي ضرب الزميرة .. يالي ضرب الزميرة .. يالي في وش الغول .. يالي

رباعيات

فيه ناس كتير متعلمة لكن يدوبك علي الورق شهادات يا عيني متلتلة بس الضمير منها اندلق وف إيه ينفع الكلام يا بشر لما اللي سامعك مالوش ودان

والزمن ده صبح کله لسان

وايش يعمل الحب في قلب الحجر

هو العمر فيه كام يوم ع شان تضيع منك اللحظة عیش من غیر هموم و أوعى تفوتك الفرصة الموت علينا حق وكاس والكل شاربينه مابيفرقش بين الناس والكل عارفينه طاير أنا كما العصفور بيرفرف جوايا حلم صعيب ياريته يتحقق حاير وفي عز جاهي أنا برجف

وأمتي هخرج من سكاتي بقي وانطق

نفسي انطق وأقول كلمتي مهما حصل لابد يوم أتكلم اكسر جدار خوفي وتعلي همتي لو إني هتألم

كما البهلوان بميت وش كل ساعة بلون وكأنه حرباية بيسلك أموره حتي ولو بالغش مش عارف إن لكل ظالم نهاية

.....

لكل بيت من البيوت عنوان ده بيت العز وده بيت من غير باب بيت يسكنه أصحابه وبيت تسكنه الغربان بيت مليان فرح والثاني علاه التراب

حلوة اللمه والفرحة تجمع قلوب الناس وشجرة أمل طارحة وشجرة أمل طارحة لو فيه للمحبة أساس عشان الحياة تحلي الإزم نزيح الهم ونبطل مشي في الوحلة عيش دنيتك وإتمني تكون أحلي عيش دنيتك وإتمني تكون أحلي

.....

إيه يعني هو الألم ماطول عمرنا عايشينه فوق بقي واصحي لتلاقي حلمك أتردم مادام لسان الحق في عبايه الجبن لافينه

بيقولوا الجبن سيد الأخلاق والنبل والشجاعة عفا عليهم الزمن والحر بقي قدام الخسيس منساق أما الكرامة من غير دار ولا وطن

......

أوطنا هانت علينا وواقفين عليها نتفرج تنداس من الأنجاس وتتبعزق تعالو نلبس طرح لحد ماتفرج ويتولد ولد رافع سيفه في السما يبرق

.....

الظلم ساد وصوته علي

فارد قلوعه ومش هامه حد

ذل العباد قادر ومفتري

كاسر قلوب الناس ماحد فيهم رد

•••••

أنا بنده بعلو صوتي وأقول فينك يا حق شايف بعينه موتي ومش قادر أقوله لا

إيه يعني هو الألم ماطول عمرنا عايشينه فوق بقي واصحي لتلاقي حلمك أتردم

.....

بيقولوا الجبن سيد الأخلاق والنبل والشجاعة عفا عليهم الزمن والحر بقي قدام الخسيس منساق أما الكرامة من غير دار ولا وطن

مادام لسان الحق في عبايه الجبن لافينه

.....

أوطنا هانت علينا وواقفين عليها نتفرج تنداس من الأنجاس وتتبعزق تعالو نلبس طرح لحد ماتفرج ويتولد ولد رافع سيفه في السما يبرق

أنا بكره الكلام ويا الندل والخسيس وبرفض السلام مادام هموت فطيص

.....

راح أقول للخوف سلام واركب حصان صلاح وأدوس فوق اللئام وأقول حي علي الفلاح وانا اللي حرفي تاه مني رافع رياتك وكأني وتد عاشقك يابلد والعشق جنني حبك هو المراد والسند الوقت بيعدي وانا لسه مستني فداكي عمري والولد والكف متحني وأشوفك ست البلاد والكف متحني

سامح یا قلبی یاریت تسامحنی حبیبك فاتك ومش راجع لیه لما یعدی ترقص و تفضحنی تنادی علیه یعمل إنه مش سامع

الصورة فاضحة صاحبها الإنسان الكلمة على لسانه بتقول حاجة تانية الفكرة إنه إتغرب جواه حيران سكينة وسرقاه مش عارف إنها فانية

.....

فانية الدنيا بزخرفها صعبة سنينها وشقيانه مش لاقية فارس ينصفها ناس تايهة ونفوس خربانة

......

بلادي

شمس الحياة طلت علي بلادي طرحت جناين حب وعشق أجدادي صنعوا التاريخ وشيدوا صرح أمجادي مهما حصل منك بجبك وانا راضي بحبك إنت وبس يا بلادي ام البلاد كم لنيلك من أيادي

أنا الفنان

أنا عاشق تراب أرضي أنام وأحلم في يوم ترضي أكون إبنك الفالح في مدرسة الحياة ناجح يقولواعليا إنسان لا أنا فاسد ولا ظالم أنا الفنان برسم صورة لبلادي تكون للسلام عنوان وللحيران والتايه مرسي وبر أمان

لو بطلنا نحلم

صروح الأمنيات كتيرة ومتبعزقة ليه دايماً بندور علي فات حلمنا بقي صعب علينا نحققه الحق حلمك قبل الفوات زي الفراشة في شرنقة ياتخرج للفضا وتعيش ساعات يا يكون حريرها هو المشنقة أو تروح لدنيا الخلاص فيها السكات لو بطلنا نحلم نموت بنحاول يبقي لنا صوت بالشعر أو بالغنا

أو حتى الزقزقة يمكن حياتنا ترجع عروسة متزوقة نعيش وننسي سنين الحزن والشقا

الحياة

الحياة زي الزجزاج يوم تحت ويوم بتلبسك تاج بينى وبينك وبدون إحراج أيه رأيك يا صاحبي في اللي حصل وبيحصل في الفيلم اللي عايشينو وفى الإخراج فيس بوك وتويتر وخمسميت هشتاج كلام في كلام. و يفرجها الفراج أنت وحظك حسب ماتقول الأبراج كفايه توهة وتخبيط .. ولعب وتنطيط إرجع لربك وقوله لعفوك ورحمتك أنا محتاج

<u>یادوب عایشین</u>

نفسي أعدي بحور اليأس وأهزم خوف ملازمني سنين أرفع راسي وأمسك فاسي وأبص لبكرة رايح على فين وأمسح دمعة كل حزين أرسم بسمة بطعم الفرحة تطلع من جوانا بريئة مسامحة صعب علينا نلبس طرحة أصلب طولك قول أنا راجل عمر الصدق ما غرق صاحبه واللي يقول الحق بأعلي الصوت رافع رایته مش هیموت

سنين العمر مهما إن طالت عمرنا واحد مش عمرين حكايات عدت وأتقالت فيها حياتنا بين قوسين على الحلوة والمرة يادوب عايشين أيه فايدتها لما نطاطي ونعديها همومنا بتكتر وتزيد بلاويها أصحي يا صاحبي وفوق تع نحلم بيوم يطلعلو شروق فك قيودك عافر غامر سافر أخرج برة الطوق

أنا وأنسا

أنا عمرى قرب يخلص يلا السلامة وأنا لسه بدور على الحب والابتسامة أنا لما بنده على نفسى بلاقيها حيرانه وأنا بيني وبين نفسي يجي ميت شغلانة أنا شفت الطيبة والشر وأنا نفسى أهرب من صورتى مش لاقى مفر أنا رايح على بكرة يمكن يقابلني اللي يسر وأنا بسأل عن راحة بال تايهة في زمن المر أنا فاكر مش ناسي أصحابي وأنا واقف مستني جوابي أنا مين أنا ليه أنا فين ردوا عليا يا أحبابي وانا لازم ألاقي الحل من غير ما أفقد أعصابي أنا كنت زمان بفرح لما بيجي العيد وأنا دلوقتي بسرح في إمبارح وأنسي المواعيد أنا عايز من نفسي ترضي عن نفسي أكيد وأنا بطلب من ربي يعنني وللكل أفيد أنا رايح مش جاي وأنا راجي عفوك ورضاك مولاي

بالحب

خليك حنيين خليك مسامح أزرع أمل تحصد حياه أنفض غبار همك للفرح صالح ما تخفش يوم من صاحب الجاه ليه نعند ليه نتجافي يا نفوس قاسية ما بتحسش ليه نجري ورا نزواتنا ونتخافى دا اللى يطاوع ربه يسعد ما يضلش بالحب نعلي ونتعافى بالحب نبني ومانهدش وقلوبنا صافية وشفافة وعنينا سهرانه ما ترمش

ندعي المولي وتتمني أنه يبارك أنه يزيد يهدينا ويصلح أحوالنا لضميرنا يصحي بعملنا يفيد

سمـــع هس

اشتكي وأصرخ وزعق مين هيسمع شكوتك عیشة مرار تزهق يارب بطلب رحمتك الغلا عمال يزيد والغلابة المطحونين بيحدفوهم زى الكور من إيد لأيد إيد تطبطب إيد بتضرب وإيد عايزه قطعها إيد بتطلب إيد بتنهب وإيد بتكتب شكوه لربها

ناس الزمان ده متصنفین ناس بتعبد ربها وناس بتعشق أرضها ناس متكتفين وناس مش لاقيه حد يلمها سايقه فيها ولا يوم حد همها وناس متشوقيين ليوم يطلع فيه النهار.. ويضمها يمسح غبار إمبارح ينفض هموم الياس يرفع شعار الناجيح ويكون شديد البأس يا خلق هووه.. فوقوا بقى كفياكم غنا ورقص يا مؤمنين وحدوه.. فين التقى يا ناس.. بطلوا بقي هجـص يا ناس.. بطلوا بقي هجـص يا موحدين أتوحدوا أيد في أيد طوبة جنب طوبة نرصها رص يعـلا البنـا .. وعمره ما يبقي هش ساعتها نقول وبأعلى حس كلـه سمـع هس

إركب حصانك

يوم الحساب قرب الشعب فاق نفض التراب ومعدش بيطبب والزرع طاب تعالي هذا . جرب.. دوق العذاب ومن دمعك إشرب فين الكلاب حراسك الى بتهبهب سابوك لوحدك مرعوب وخايف مكتوف ايادى مقفول شفايف واما انت جبان طب ليه بتظلم. ياأبو قلب قاسى مليان مآسى . والله أعلم نفعتك الكراسي. وغبائك السياسي وتاريخك المظلم سلم لي علي الترف واليخوت والمناصب أيه أخبار التحف والقصور والمواكب

خليها تنفعك. أو بالاصح توجعك

وبنارها تحرقك وتعلقك

صورة على الحيطان مكتوب عليها . كان جبان

آخرتها أيه.. مع مرتبة القرف

في الإمتحان راسب

وهى دي نهاية الكابوس.

اللي كابس على النفوس

ثلاثين سنة. وأنا باكل عيش من غير غموس

غرقان في بركة كلها زبالة وناموس

الوشوش هي الوشوش مافيش جديد

وبحمد ربنا وراضي

. وجيبي فاضي

أصل الفلوس كانت مع التيوس والحرامية

والمليانين حقد وانانية....



أما الشرفا. كلهم طيبة وحنية مالهومش غير الكرامة والشهامة طبعهم وأهو طلع النهار.. والظلم غار... وقاموا يفشو غلهم. عملوها ثورة من غير مناورة ناوین یاخدوا حقهم .. وإركب حصانك ياوطن وارفع في السما سيفك إحكى وقول على جري وإهزم سنين خوفك واوعاك تخاف من بشر أوتشتك ظروفك .. زمن المهانة والذل ولى. عايزين بقي نشوفك.

اللي جاى أصعب من اللي راح وبلدنا محتاجة.. قوة مجاديفك يابن بلدى قوم شد حيك إبني وعلي.. سبح وصلي يافرحة هلى بصى وطلى في عيون أسود.. ملايين حشود حالفین یمین صاینین عهود مايخلوا ظلم. أبداً يعود للجهل قطعاً.. واقفين سدود للعلم دايماً.. رافعين شعار والحب يملى.. كل شارع كل دار وإيد في إيد.. كلمتنا واحدة مصر الحضارة.. والدنيا شاهدة الحق يعلا.. وقلوبنا متواعدة نرجع بلدنا.. أحسن ما كانت من بعد غيبة.. زادت وطالت خلاص ياولدي .. هتفرج وهانت بأديكم أنتم.. الخير يزيد ونشوف بلدنا.. بتوب جديد ونهني بعض .. بيوم العيد

ف الزحمة

عيني علي أرضي وفي أديه فاسي وفي أديه فاسي ولا عمري دقت غير المر.. ده اساسي أما السعادة وراحة .. البال لطعمهم ناسي ومع ذلك كنت مطمن ودفيان. بين أهلي وبين ناسي هما عنيه وأديه وحراسي.. في وقت الشده ده يطبطب وده يواسي عشان كده هما حبيبي

في زحمة الحياة كنت أنا ماشي

وحقهم على راسى

زرعوا فيا الامل من تاني

قمت أجري صحوني من غفلتي شفت نور فجري وقولت يارب قويني سلمت لك أمري يارب وأشرح للحياة صدري.. وأجعل كلمة الحق عنواني وسبب نصري وارفع بين العباد بقدرتك قدري.. وأملي برضاك و حب الناس نهري..

ياريت تعود

بدني النحيل دا جريح محتاج لعزف الناي وصوت ولد بكاي يحكي الحكاية من الأول يوم طلع النهار على كتكوت فصيح كسر السكات وقال حاجات وقف ف وش الريح شاف سكته قال كلمته عليت همته ولا يوم حد سكته رغم الظروف واللي حصل واللي حصل مش سهل

بين يوم وليلة صار الوليد كهل وإبتدا الخوف يتوهني لما راح الأمان بعيد عنى سألت ليه فتنى وحدي رد الصدى غصب عنى مش بخاطرى ليه يا دنيا كل ما أحلم تصحيني على صوت أنين دموع عيني سنين العمر محفورة على جبيني راحت عليك وإبتدا سن سكاكينى قاعد على دكة ومكرمش يموت م السقعة او م الحر ما يهمش لابد في حضن الليل متهمش يدق الباب ما يردش ايه في الحياه يستاهل كدا وشاغلك انك تكون مقهور ومستهلك

فوق خلي عندك امل سنين الفرح تندهلك دورع السعادة وحب مشتاقلك لمح بطرف عينه صبية كانها حورية لابسه توب اخضر وطرحه بيضا ملالية ريحتها ريحة المسك والعنبر وبصوت كله رقه وحنية قالت تعالى نعود لأيامنا ونحقق كل أحلامنا فاكر غرامنا والعهود طريقنا المفروش ورود ياريت تعود ياريت تعود

عن العثناق

لو مرة جارت عليك دنيتك ولايهمك خليك ماشي ف سكتك واوعى تخاف م العجاف على صوتك وياك يفوتك دور ماتخلي حد يسكتك او يضيع بسمتك فتش ع الحلو فيها وعدي السور ياما ناس عايشة مقهورة تسألها كيف الحال ترد مستورة سلم للإله أمرك وأقتح للحياه صدرك تعيش مبسوط بقيت عمرك بعید عنك حیاتی عذاب ياطول صبرك كفاية غياب ..

زاد الشوق وطال هجرك سألت كتير ومستنى ترد جواب ويتحقق ف يوم ظني لقى الأحباب أقولك إيه عن العشاق لما سألونى سافرت كتير مابين حيرة ونار اشواق لقيت نفسى ف دوامه حب وسهر وفراق ناس هايصه وناس لايصة وناس العشق دوبهم وبالاحزان ملا دروبهم صحیت م النوم لقیت نفسی قاعد على كرسى بسمع لصوت الست . عن العشاق سألوني وانا ف العشق لاافهم

المسحراتي

مسحراتي مصحياتي سبب نجاتي من الحيرة والغفوة تعالي نشرب القهوة ونفضها سيرة محلاها العشرة والجيرة أفرح وحس بالنشوة كفيانا لخبطة وقسوة مسحراتي منقراتي ع الدف والطبلة اصحي يانايم اصحي طبطب علي الشقيان واطعم يتيم حن ع الغلبان مسحراتي منقراتي فضلت اهاتي

دلوني ع السكة ليموني ع الفكة أفتح بها شركة لتجارة وعطارة ابنی لها عمارة تتحول الحارة لمدينة الإنسان اصحي يانايم اصحي وحد الرحمن اسعي وصحي النايم صاحبك صابح صايم اصحي كده وفوقلي قوم طل علي بابك هتلاقي أصحابك هاتهم وحصلني للفرح وصلني فيكم ماخاب ظنى

خد إيدى على إيدك وامشى في طريق الله اصحى يانايم اصحى وحد الديان مسحراتي مصحياتي بدق ع البيبان امتى راح نوصل لمدينة الإنسان ركز كده معايا وبص في العنوان اصحى يانايم اصحى وحد الديان مسحراتي مغنواتي بفوت ليلاتي أدق على البيبان بسرح أغني لنفسي أمني تفوقو م الغفلة مسحراتي منقراتي ع الطبلة اصحى يانايم ليلة صعبة مش سهلة مسحراتي مصحياتي رجلية وجعاني م اللف والدوران غلبت اهاتى وأدق ع البيبان يامحمد اصحى في بكرة فسحة

لشارع الفوقان هتشوف مناظر تسر خاطر تشفى مريض عيان تكسى شريد عريان لقمة هنية تكفى مية لكل جعان اصحي يانايم اصحي وحد الديان عشمنا فيكو يا ولاد بلدنا تربو أولادنا وترجعو مجد اجدادنا صوتكو يجلجل فوق كل مدنا

> الله أكبر أذن وكبر للفرح ابدر وازرع غيطان مسحراتي مصحياتي في خلق نايمة في العسل

(أشعار)

كسر بيبانهم صحى في ضميرهم نايمين في دورهم والفقر زارهم لاحد فاق ولا فرح داق أصل الحكاية من البداية ناس واخدة على الكسل... اصحى ياغافل قوم شد حيلك راح فين ضميرك قوم فوت سريرك وصحي غيرك واعملوا حفلة لموا الحبايب من كل حفرة اطلعو للنور واقفو في طابور واكشفو المستور اصحي يانايم احلب بهايم

دا الجو غايم

والكل هايم ف سكة التوهان

اصحي يانايم اصحي

وحد الديان

دا العمر لحظة

وهي فرصة لتفوق بقرصة

ترجعك لعالم النسيان

اصحي يانايم اصحي وحد الديان

مسحراتي مجرساتي

يعمل عمايل

على كتفه شايل

هم الغلابة

وبصوته ينده

علي خلق نايمه

ف الغلب عايمه

يمكن يسمع بكلمة تنفع او توب يرقع بنصحكو دايما علاء وايمن كلا بإسمه يارب تصحو وتوحدو الديان الدنيا مسرح للكل مطرح هيقوم بدوره ويخطي سوره لجنة الرحمن اصحي يانايم اصحي وحد الديان كمل جميلك صحي زميلك

ودق ع البيبان وقول ياصبري صبرك جميل هتروق ةتحلي وتبقي أحلي نرجع حبايب أهل وقرايب ننسي جراحنا ونفوق لروحنا ونهزم الشيطان اصحي يانايم اصحي وحد الديان

محتويات الكتاب

بطاقة الكتاب
إهداء
على سبيل التقديم
كلام الليل
احلم یاولدی
من غير نقط
سكوت11
بعثنقك
بعشقك يالى اسمك فعل ماضى
سلامات
صاحبی 21
يدوم أنسك
الليل وآخره
هنا الحبيب

28	لحبطه
34	نجوم الليل
35	ارفع راسك
37	سمع هس
40	بص
41	نسيم الليل
43	غصب عنی
46	البعد جفا
47	حبيب الروح
48	تيجى نحلم
49	سنين الفرح
50	سيد الناس
52	على عليوه
56	رباعيات
65	بلادی
66	أنا القنان

لو بطلنا نحلم
الحياه
يادوب عايشين
أنا وأنا
بالحب
سمع هس
إركب حصانك
فى الزحمة
ياريت تعود
عن العشاق
المسحراتي
محتوى الكتاب